



## Universitätsbibliothek Paderborn

**Disputationes|| ROBERTI BELLAR-||MINI E SOCIETATE  
IESV,|| DE CONTROVERSIIS CHRISTIANAE|| FIDEI,  
ADVERSVS HVIVS TEM-||poris Hæreticos,||**

Tribus Tomis comprehensæ.||

DE SACRAMENTO|| POENITENTIAE.|| QVATVOR LIBRIS COM-||REHENSA.||

**Bellarmino, Roberto Francesco Romolo <Heiliger>**

**Ingolstadii, [1599]**

**VD16 B 1607**

III. Calumniæ & mendacia Melanchthonis.

[urn:nbn:de:hbz:466:1-54092](https://nbn-resolving.de/urn/resolver.pl?urn=urn:nbn:de:hbz:466:1-54092)

vnum ex decem Præceptis, vel vnam petitionem orationis Dominicæ, vel aliquem articulum Symboli; immò neque ordinem Decalogi posse recensere, quæ apud suos Lutheranos etiam pueris quinque annorum notissima sint.

HAECSIREFELLEREVELIM, INIURIAM FACIAM VEL IPSIS LUTHERANIS, QUASI EOS TAM HEBETES, & TARDOS ESSE CENSEAM, VT HÆC TAM SPLENDIDA MENDACIA SIBI PERSUADERI PASSI FUERINT.

OCTAVO, idem Lutherus in articulis Smalcaldicis, quos anno M. D. XXXVII. collegit, & in conuentu suorum promulgauit, in 3. parte, tit. de falsa Pœnitentia Papistarum, præter alia multa mendacia, quibus titulus ille scatet, Catholicis imponit, quod doceant eos qui rectè Pœnitentiam agunt, mereri remissionem peccatorum. Item addit, apud Catholicos, nullam fieri Christi, aut fidei mentionem, sed sperare vnumquemque se propriis operibus abolere omnia peccata coram Deo: item Contritionem Catholicorum, esse fictam & simulatam cogitationem peccatorum ex propriis viribus profectam sine fide, & sine cognitione Christi.

HÆC ET similia, quæ eo loco sæpiùs repetuntur, & inculcantur, tantùm abest vt pro nostris agnoscamus, vt ea in Pelagianis Hæreticis prorsus damнемus. Sed, vt sæpe dixi, facile est sine teste quidlibet asserere, & proclive, ac familiare Hæreticis mentiri.

### CAPVT III.

#### *Calumnia & mendacia Melanchthonis.*

**D**HILIPPVS Melanchthon Confessionis, & Apologiae auctor, & Confessionistarum quasi proprius parens, vt locum hunc de Pœnitentia præter ceteros diligenter muniret, variis imposturis, & calumniis fucandum censuit: ac primùm in ipsa Confessione Augustana artic. 12. mentitur, Catholicos non docere remissionem peccatorum per fidem contingere, sed per nostram dilectionem, & opera, & satisfactiones esse necessarias ad redimendas poenas æternas.

Sed operæ pretium erit audire, quām variè hoc mēdaciū in variis editionibus expresserint. Nam in ipsa Confessione quam anno M. D. XXX. Imperatori Carolo exhibuerunt, ita legi-

legimus: Reiciuntur  $\mathcal{E}$  isti, qui non docent remissionem peccatorum per fidem contingere, sed iubent nos mereri gratiam per satisfactiones nostras. In editione autem Wittembergensi anno M. D. XXXI. ita mutarunt: Reiciuntur  $\mathcal{E}$  isti, qui non docent remissionem peccatorum per fidem contingere, sed docent remissionem peccatorum contingere propter nostram dilectionem,  $\mathcal{E}$  opera. Reiciuntur  $\mathcal{E}$  isti, qui Canonicas satisfactiones docet necessarias esse ad redimendas penas eternas, aut penas Purgatorij. In editione anni M. D. XL. ita posuerunt: Damnant  $\mathcal{E}$  illos, qui non docent remissionem peccatorum per fidem gratis propter Christum contingere: sed contendent remissionem peccatorum contingere propter dignitatem Contritionis, Dilectionis, aut aliorum operum;  $\mathcal{E}$  iubent dubitare conscientias in Pœnitentia, an consequantur remissionem peccatorum,  $\mathcal{E}$  affirmant hanc dubitationem non esse peccatum,  $\mathcal{E}$  c. Eadem Confessio in articulo de Confessione, qui est inter eos de abusibus, in editione anni XXXI. Antea, inquit, immodicè extollebantur satisfactiones, fidei vero,  $\mathcal{E}$  meritis Christi, ac iustitia fidei nulla siebat mentio. Et in editione anni XL. Nusquam, inquit Confessio, quidquam certi docent quomodo contingat remissio peccatorum: de fide prorsus est absimum silentium, immo iubent perpetuo dubitare de remissione peccatorum. Et infra: Docti, inter Catholicos scilicet, singunt per satisfactiones compensari eternam mortem: indocti putabant his operibus emi remissionem culpa.

Iam vero idem Philippus in Apologia ad art. 12. tot fraudes, & imposturas concessit, ut difficilè sit vel numerum iniuste: quarum tamen partem aliquam refutauimus in eo libello, quem inscrisimus Iudicium de libro Concordiae Lutherorum. Sed unum est mendacium tum in Confessio in art. de Confessione, editionis anni M. D. XL. tum in Apologia ad articulum de Pœnitentia, quod nullo modo praeterire possum. Gloriatur Philippus maximam huic loco a suis esse lucem allatam. In Confessione sic loquitur: Fuit obruta ingenti aceruo inutilium ac malarum opinionum, simplex doctrina de Pœnitentia. Et paulò post: Ideo huic articulo maxime sustulerunt nostri lumen adferre, quem quidem ita patefecerunt, atque illustraverunt, ut etiam aduersarij saniiores fateantur hac in re bene meritos esse de Ecclesia. In Apologia vero hac

B b b b b addit;

addit: Omnes, inquit, boni viri omnium ordinum, ac Theologici ordinis etiam, haud dubie fatentur, ante Lutheri scripta confusissimam fuisse doctrinam Pœnitentia. Exstant libri Sententiariorum, & ibi sunt infinita quæstiones, quas nulli Theologi & inquam satis explicare potuerunt: populus neque rei summae complecti potuit, nec videre quæ precipue requirerentur in Pœnitentia, & ibi querenda esset pax conscientia. Prodeat nobis aliquis ex aduersariis, qui dicat quādō fiat remissio peccatorum: Bone Deus, quanta tenebra sunt. Dubitant & strum in Attritione, vel in Contritione fiat remissio peccatorum. Et infra: Nos igitur, ut explicaremus pias conscientias ex his labyrinthis Sophistarum, constituimus duas partes Pœnitentia, videlicet Contritionem, & Fidem, &c.

AT NOS contrà verissimè dicere possumus, ante Lutheri defectionem, & scripta illa contentiosa, planissimam fuisse doctrinam de Pœnitentia, si ea spectentur, quæ ad hoc Sacramentum cum fructu suscipiendum & ministrandum pertinent, quæ sola à populo, & sacerdotibus communiter scire necesse est. Sciebant enim, & fatebantur omnes, Pœnitentiæ Sacramentum esse; neque de ea re vlla controuersia erat. Sciebant quo tempore necesse esset Pœnitentiam agere, atque ad hoc Sacramentum accedere. Sciebant quid esset agendum, ut Sacramentum hoc vtiliter perciperetur, nimurum dolendum esse de peccato præterito, & propositum concipiendum vitæ melioris; confitenda sacerdoti omnia peccata mortalia, quæ ad mentem post examen venirent: multam denique subeundam, quam sacerdos imposuisset. Sciebant per Absolutionem remitti peccata, Deo nimurum Christi merita per sacerdotum ministerium applicante: idque gratis, non ob meritum vel dignitatem Contritionis, nedum Attritionis, ut mendacissimè Aduersarij nobis imponunt. Sciebant denique à quo Pœnitentiæ Sacramentum petere deberent, à proprio videlicet animarum suarum Pastore, vel certè ab eo, qui à communi Pastore totius Ecclesiæ ad id munus facultatem haberet. Hæc omnia, & nota erant omnibus, & extra controuersiam posita, & ad populi instructionem in Catechismis, aliisque communibus libris passim inueniebantur.

Quod

Cap. III. De Pœnitentia. Lib. I.

17

Quod si præterea quædam subtilius à Theologis disputabantur in scholis de Pœnitentiæ Sacramento, ea nihil populi fidem impiedebant, quemadmodum nec disputationes de Trinitate, de Incarnatione, de peccato originali, aliisque fidei nostræ mysteriis impedimento sunt plebi, quo minus simpli- cem Symboli fidem ex concionibus, & Catechismis haurire possint.

At post Lutheri scripta & concertationes, ita confusa & obscurata sunt omnia, vt nihil certi iam habeant Lutherani de præcipuis capitibus doctrinæ de Pœnitentia, vt mirum nō sit, disputationes subtiliores Scholasticorum apud eos ces- sasse, cùm in primis elementis, & iis, quæ ab ipso etiam po- pulo cognosci debent, nondum conuenire potuerint. Con- tendunt enim adhuc, sitnè vllum Pœnitentiæ Sacraméntum, an sit retinenda priuata Confessio; quæ peccata sint confiten- da necessariò; quo tempore sit facienda Confessio; cui sit fa- cienda; & num etiam fœmina, ac pueri possint absoluere; Fi- dēsne Contritionem, an Contritio Fidem præcedere debeat. Nam Lutherus in captiuuit. Babyl. cap. de Pœnitentia, tragicè vociferat in eos, qui Contritionem Fide priorem faciunt, quique eam impiis, & infidelibus tribuant: Oiram, inquit, Desinsumentabilem. Haccine in Ecclesia Christi doceri? & ta- men Confessio Augustana art. 12. qui est de Pœnitentia, & in artic. de Confessione, & Apologia ad art. 12. disertis verbis do- cēt, Contritionem præcedere, Fidem autem subsequi; ex quo sequitur, vt Contritio nunquam nisi in impiis, & infidelibus reperiatur. Ita in re primaria pugnat Confessio, quæ est Lu- theranis loco noui cuiusdam Euangelij, cum ipso Luthero, qui est iisdem loco noui cuiusdam Euangelistæ. Sed his omis- sis, pergamus ad cetera.

Idem Philippus in disputatione de Pœnitentia, propos. 7. sic ait: Sultè, & impiè docuerunt Scholastici, peccata remitti per Contritionem sine fide. Et propos. 11. Tota, inquit, doctrina de Pœnitentia apud Scholasticos, plena est errorum, & impietatis, quia omittunt caput negotij, videlicet fidem, quia non docent hominem fide accipere remissionem pecca- torum. Idem in alia disputatione contra articul. Louanienses propos. 9. Detrahunt, inquit, gloria Christi, quando dicunt remitti peccata propter nostra merita, non propter Christum.

B b b b 2

Ee

Et propos. seq. Hunc teturum errorem, quo deletur præcipius articulus fides; Credo remissionem peccatorum, impie defendunt Louanienses in suo decreto. Idem in Locis communibus vltimè editis, tit. de Confess. Monachi, inquit, finixerunt enumerationem peccatorum in Confessione esse cultum, & meritariam remissionis.

HAE COMNIA mendacia sunt, neq; alio testimonio probari possunt, nisi quia Lutheri libuit ea confingere: quod enim ille dixit, pro vero habendum, & saepius repetendum est, licet alioqui falsissimum sit.

Denique in locis communibus editis anno M. D. XXII. cùm primarias spiritus Lutherici se habere gloriaretur Philippus, mendaciis & imposturis contemptum addebat antiquissimi, & celeberrimi Concilij oecumenici Nicæni: sic enim scripsit in eo lib. tit. de humanis legibus: *In Synodo Nicæna constituta sunt quadam Pœnitentia forma: non pronunciò quo spiritu decreuerint Patres: at video bonam Euagelijs partem, immo vim germanam Euangelijs obscuratam esse ea traditione; nam inde primum nata sunt satisfactiones.* Et infrà: *Porrò nostrorum temporum Theologastris sequenti priscam traditionem Synodi Nicæna fecerunt ex satisfactionibus partem Pœnitentia; quo errore planè non est aliis nocentior.* Hæc ille.

IN QVIBVS verbis tria mihi animaduertenda esse videntur. PRIMO, incredibilis audacia huius hominis, qui cùm eo tempore iuuenis esset, & sacras literas vix attigisset, in scholis Grammaticorum tantum versari solitus; tamen iam spiritu hæretico ebrius, pronunciare ausus sit, à Nicæna generali Synodo omnium antiquissima, & sanctissima, vim germanam Euangelijs esse obscuratam.

SECUNDO, inscitia intolerabilis in eo, qui se censorem Nicænae Synodi profitebatur: neque enim verum est, ex Concilio Nicæno primum natas esse satisfactiones, cùm Concilium Neocæsariense, & Ancyranum, quæ sunt Nicæno vetustiora, plena sint Canonibus pœnitentialibus: & sancti Cypriani sermo de lapsis, ac Tertulliani liber de Pœnitentia (ut alios nunc omittam) nihil ferè aliud sonent nisi satisfactiones. Floruisse autem S. Cyprianum annis circiter octoginta, & Tertullianum annis plus centum ante Synodum Nicænam, nemo inficiari potest.

TERTIO,

**TERTIO**, admirabilis inconstantia. Nam cùm doctrinam nostram de Pœnitentia, quam oppugnant, passim nouam esse clamitent, & Papistarum commenta appellare soleant: híc Philippus affirmare non dubitauit, *Theologastros nostri temporis* in eo quod Satisfactionem partem pœnitentiæ fecerunt, sequutos esse Patres Synodi Nicænæ. Quod si ita est, antiquissimam fateri oportet Catholicorum doctrinam: nouam autem, quæ illi repugnat, Lutheranorum.

CAPVT IV.

*Calumniæ, & mendacia Tilemani Hes-  
husij.*

**T**ILEMANVS Heshusius, qui se Episcopum Sam-  
biensem scribit, cùm animaduerteret multis iam  
annis Catholicos protestari, mendacia plurima  
à Lutherò, Philippo, ceterisque sectariis esse con-  
ficta, vt doctrinā Catholicam, quam solidis rationibus con-  
futare non poterant, imposturis saltē odiosam facerent: con-  
silium cœpit indicandi auctores eorū omnium errorum, qui  
nobis à Lutheranis obiiciuntur, vt auctoribus nostrarū sen-  
tentiarum conspectis atque agnitis, desineremus aliquando  
Lutheranos tot mendaciorum, & calumniarum reos facere.  
Itaque librum scripsit de sexcentis erroribus, quos Romana  
Ecclesia contra Dei verbum furenter defendit: de quo libro  
in aliis locis non pauca diximus.

N V N C inspiciemus solum locum nonum, qui est de Pœnitentia. In eo loco errores tres & octoginta numeravit Hes-  
sus, quos de Pœnitentia à Catholicis affirmari contendit.  
S E D in his non inueniuntur, qui à Luthero, & Philippo pas-  
sim nobis obiiciebantur, vt, quòd fidem excludamus à Sacra-  
mento Pœnitentiæ, quòd gratiam propriis meritis acquirar-  
muſ, & alia id genus: non igitur indicauit autores eorum er-  
rorum, quos nobis falsò, & per summam impudentiam im-  
poni contendimus. Deinde in erroribus quos Tilemanus e-  
numerat, multi sunt nobis communes cum Lutheranis, qui  
certè aut errores non erunt, aut Lutherani cum Papistis erra-  
bunt, vel etiam Papistæ dici poterunt: multi sunt item ad ver-

Bbbb b um